

Premio Gobernador Olindo Koolman a bay pa Ing. Earon Mathew

ORANJESTAD(AAN):---
Gobernador mr. Olindo

Koolman ta laga atras pa
comunidad un premio pres-

tigioso pa reconoce trabow
cientifico, cultural y di com-
portacion civico excepcional:
Premio Gouverneur mr.
Olindo Koolman.

Un fundacion cu ta hiba como
number Gouverneur mr.
Olindo Koolman a worde
lanta cu e meta pa cada dos
ana premia un ciudadano of
organizacion cu a sobresali
den nos comunidad.

A toca ingeniero Earon
Mathew di Plan D-2 pa ta e
prome ganador di e distinc-
cion prestigioso aki.

Durante di e Koniginnebal
cual e aña aki a worde teni
den e impresionanté Ball-
room di Radisson Hotel,
Gobernador saliente mr.
Olindo Koolman a reconoce
Earon Mathew pa su
trabownan riba tereno di ar-
quitectura, cuido di monu-
mento, desaroyo economico
duradero y pa a comparti su
conocemento profesional
hopi biaha a base voluntario
pa diferente fundacionnan.

Earon Mathew ta disenador

di Kabinete di Gobernador,
Banco Central nobo, Pen-
sioenfonds nobo, Biblioteca
na San Nicolas, proyecto di
restauracion di Censo den
Wilhelminastraat, restaura-
cion di Museo Historico y di
Cas di Cultura y reciente-
mente tambe involvi cu e
proyecto di restauracion di e
unico landhuis na Aruba;
Centro Hubenil Washington.
Tambe na e otro islanan di
Antiyas sr Mathew formando
parti di e team di PLAN D2, a
laga su rastronan profesional
impresionante atras.

Earon Mathew a gradua for di
TH-Delft na 1971 suma cum
laude. E ta un di e prome yiu-
nan di tera cu a traha un
ruimtelijke ontwik-
kelingsplan. Entre otro Earon
a forma parti di Codesan y e
tabata e counterpart di Sasaki
Associates pa e plan pa de-
saroyo di San Nicolas.

E fundacion Gouverneur mr.
Olindo Koolman a hanya un
suma substancial for di
Banco Central y tambe un

contribucion formal den
forma di un pin di aloé di oro
y un obra di arte disenya pa
Renwick Heronimo y forma
den plata pa e plate pro-
fesional sr. Vis.

Sr dr Caram presidente di
Banco Central y sr Luis Pos-
ner director di Aruba Aloe,
hunto cu e directiva di e fun-
dacion Gouverneur Olindo
Koolman, Alice van Ro-
mond (presidnete) Jane Se-
meleer (tesorero), Wim
Rutgers (secretario) or-
guyosamente a para como
testigo durante e entrega di e
premio durante di e Konigin-
nebal. E acto a worde haci pa
Gobernador Koolman, kende
a gradici pa e regalo cu e
comision a duna den forma di
e Fundacion y tambe pe coop-
eracion grandi cu e fundacion
a hanya for di Banco Central
y Aruba Aloe. sr Mathew
tabata honra y emociona y a
suplica pa nos proteha y duna
valor na nos arquitectura, nos
monumentonan y nos heren-
cia cultural.